

Ina nova steila al firmament dil Grischun

Alla fin october vegn la **Brass Band Sursilvana** a presentar lur niev disc cumpact «mia steila» alla publicitad. Cun l'ediziun da quei portatun presenta la formaziun da brass dalla Surselva gia lur secund disc, suenter haver registrau egl onn 2005 lur empren disc che porta il tetel «colurs».

IL NIEV DISC CUMPACT «mia steila» ei dedicaus cumplettamein alla cultura musicala dil cantun Grischun. Aschia ein sulettamein ovras da cumponists grischunes vegnidas registradas, biaras dad ellas per l'emprema ga sco versiun da brass

La Brass Band Sursilvana ei ina formaziun che secumpona ord musicants ambizius, denter els era entgins musicists da professiun. Ils commembers han la finamira da realisar projects musicals pretensius. Il repertori dallas rodund trenta musicantas e musicants cumpeggia sper ovras originalas per brass band era arranschaments ord la classica e musica da divertiment contemporana. Cun numerus concerts egl entir cantun Grischun sa ella adina puspei fascinar igl auditori da niev per la musica da brass.

2006 ha la Brass Band Sursilvana gudignau a Montreux la concorrenza ell'emprema

Termins da concert:

- Il niev disc pon ins retrer ad in dils concerts dalla Brass Band Sursilvana, l'entschatta november 2009
- Sonda, ils 7-11-2009 allas 20:00 a Trun, sala da cultura
- Dumengia, ils 8-11-2009 allas 17:00 a Cuera, Titthof
- La naschientscha d'ina nova steila sin il cover dil disc «mia steila»

Deutsche Kurzfassung:

Ende Oktober wird die zweite CD der Brass Band Sursilvana erscheinen. Die Produktion «mia steila» ist gänzlich der Musikkultur des Kantons Graubünden gewidmet und es wurden ausschliesslich Werke von Bündner Komponisten und Arrangeuren aufgenommen. Eines der Herzstücke des Tonträgers ist die Auftragskomposition «The Hero» von Fortunat Frölich. Der Cellist und Komponist aus Trin ist in der Bündner Musikszene bestens für seine experimentellen und innovativen Produktionen bekannt. Weiter sind neue Originalwerke und Arrangements der



La Brass Band Sursilvana.

classa sut la direcziun da Roman Caprez. Cun quei success ha la BBS cuntunschiu in plaz denter las meglieras bands d'emprema categoria en Svizra. Egl onn suandont ha la Brass Band Sursilvana gudignau a caschun dalla fiasta cantunala a Scuol la concorrenza d'emprema classa.

Siu empren disc cumpact che porta il tetel «colurs» ha la BBS registrau igl onn 2005.

Disc cumpact «mia steila»

Cun registrar novas ovras originalas e cumposiziuns d'orchester e cor instrumentadas less la Brass Band Sursilvana prestar

ina contribuziun alla varietad culturala dil cantun Grischun. Aschia cuntegn il disc cumpact «mia steila» exclusivamein ovras da cumponists ed arranschurs grischunes.

Ina rolla principala dil portatun gioga la cumposiziun «The Hero» che Fortunat Frölich ha scret aposta per quei disc. Il cellist e cumponist da Trin ei bein enconuschents ella scena da musica grischuna per sias produziuns experimentalas ed innovativas. Plinavon cuntegn il disc novas ovras ed arranschaments dils cumponists Gion Andrea Casanova, Corsin Tuor e Roman Caprez.

La Brass Band Sursilvana fa denton era la punt tier la classica e la cultura da cors da nies cantun. Aschia ein ovras d'orchester da Fortunat Frölich vegnidas arranschadas per brass ed interpretadas da niev. Ord il scazi dalla cultura da cors dil Grischun ein ovras da Giusep Maissen vegnidas instrumentadas per l'emprema ga.

La cumposiziun grafica per il cover dil disc ei Sascha Maissen dil biro per grafica evoluziuns staus responsabels. Sias ponderaziuns per la grafica ein stadas da schaffir il schinumnu big bang (Urknall), nua che la materia vegn catapultada suenter l'explosiun egl univers. Aschia sa ei era esser tier la musica: In tun, che vegn sunaus egl instrument – era quel nescha ord il nuot e semultiplischescha tras l'aria. ■